

▼ Вилоят ҳокимининг матбуот хизмати хабар қилади:

»» "АВГУСТ АНЖУМАНИ – 2024"



ҲАЁТ ҲАМ, ТАФАККУР ҲАМ ЯНГИЛАНМОҚДА

Август анжумани – таълим соҳасидаги муваффақиятлари билан бирга камчиликлари ҳам саралайдиган йил.

Вилоятнинг таълим соҳаси ходимларининг "DIGITAL KAZAKHSTAN: Замонавий таълим" мавзудаги вилоят август анжуманида вилоят ҳокими Дархан Сатибалди иштирок этиб, янги ўқув йилининг бошланиши билан табриклар, устозларларга муваффақият тилади.


– Сизларни янги ўқув йилининг бошланиши билан чин қалбимдан табриклайман! Бугунги аънавий Август анжуманига ушбу мавзунинг танланиши ҳам бежиз эмас. Сабаби, дунёвий рақамлаштириш даври бошланди, сунъий заковат ёки одамнинг фикрлаш қобилиятини компьютер

тармоқлари билан уйғунлаштириш даврига ўтилмоқда. Давлат раҳбари Қасим-Жумарт Кемелули аввалги республика педагоглар съезида таълим тамойилларини рақамлаштиришни жаддаллаштириш зарурлигига алоҳида тўхталган эди. Ушбу муҳим учрашувда вилоят таълим соҳасининг жонкуярлари, академиклар ва экспертларни ҳамда таълим соҳаси илғорлари, муҳтарам устозларимиз билан юзма-юз учрашганимиздан мамнунман. Ёшлар тарбияси сизларнинг қўлингизда. Мустақиллигимиз истиқболи бизнинг бугунги ҳалол меҳнатимизга боғлиқ. Таълим ва тарбиянинг янги тафаккур тамойиллари асосида олиб боришга қақираман, – деган вилоят ҳокими бир қатор устозларни тақдирлади.

Август анжуманида 10 ўқитувчи-га ҚР Маориф вазирлигининг "Ы. Алтынсарин" кўкрак нишони топширилиб, ўн нафар муаллим вилоят ҳокими номидан тақдирланди. Тадбирни вилоят ҳокимининг ўринбосари Бейсенбай Тажибаев олиб борди. Пленар мажлисда 1000га яқин таълим соҳасининг ходимлари иштирок этиб, 20 мингдан зиёд педагог онлайн равишда иштирок этди.

Янги ўқув йили арафасида 62та мактаб 265та махсус фан кабинети очилди. 2024-2025 ўқув йилида 17081 ўқувчини ташиш учун махсус транспорт ажратилади. Ўқувчиларга 101та янги автобус хизмат кўрсатади. Қолган 65та мактабда хизмат тури шартнома асосида юритилади.

Этнослараро маданиятни шакллантиришга бағишланди



ҚР Президенти Маъмурияти ҚХА Котибияти раисининг ўринбосари Ғалимжан Махан ва ҚР Маданият ва ахборот вазирлиги Этнослараро муносабатларни ривожлантириш қўмитаси раиси Ғалим Шўйкин бошчилигидаги гуруҳ хизмат сафари билан Туркистон вилоятига ташриф буюришди.

Делегация аъзолари, дастлаб, Туркистон шаҳрида қад ростлаган "Дўстлик уйи"нинг қурилиши билан танишдилар. Вилоят ҳокимининг ўринбосари Е. Алтаев замонавий бинонинг алоҳида хусусиятларига тўхталиб, иншоотнинг режа-лойиҳалари билан таништирди.

Президент топшириғига биноан барпо этилаётган уч қаватли бино яқин кунларда фойдаланишга топширилади.

Сафар давомида пойтахтлик меҳмонлар Туркистон шаҳридаги "Буюк Дашт эли" марказидаги "Этнослараро муносабатлар маданиятини шакллантиришнинг руҳий-педагогик асослари" мавзудаги семинарда маъруза қилиб, фикр алмашишди. Тадбирда туман, шаҳардаги таълим бўлимларининг услубиятчилари, турли этнослар зич жойлашган манзиллардаги мактаблар, бошқа таълим муассасаларининг вакиллари, "Жамоат тотувлиги" ДКК корхоналари раҳбарлари иштирок этишди.

Шунингдек, семинарда ижтимоий тотувлик масалаларини ОАВда ёритиш, сохта ахборотлар тарқалишига қарши қонун доирасида тушунтириш ишларини қучайтириш ва бошқа долзарб масалалар ҳамда тақриф-мулоҳазалар муҳокама қилинди.

»» Янги Қозоғистонда эл азиз, инсон азиз

Вилоятимиз туман ва шаҳарлари Туркистон шаҳрига қараб тараққий этади, шу боис вилоят марказидаги ҳар қандай фаолият сифатли ҳамда мазмунга бой бўлиши керак.

Вилоят ҳокими Д. Сатибалди туман, шаҳар ҳокимларининг минтақаларни ривожлантиришга оид дастурлари билан танишмоқда. 2025-2030 йилларга мўлжалланган "Иқтисодий тараққиётни таъминлаш бўйича" стратегик ташаббусларни амалга оширишга мўлжалланган йўл харитасининг асосий йўналишлари ҳамда шаҳарнинг ижтимоий-иқтисодий тараққиёти ҳақида Туркистон шаҳри ҳокими Нурбўл Турашбеков ҳисобот берди.

Вилоят марказининг тараққиёти муҳокама қилинган мажлисда Д. Сатибалди шаҳар ҳокимига сармоя жалб этиш, тадбиркорларни қўллаб-қувватлаш, аҳолига давлат дастурлари ҳақида маълумотлар бериш, инфратузилмани яхшилашни топширди. Мажлисда шаҳарнинг долзарб масалалари ва уларни ҳал қилиш йўллари муҳокама қилинди. Минтақа раҳбари камчиликларга алоҳида тўхталиб, иш жараёнида юзага

ОБОД ЮРТНИНГ ЭЛИ ХУРРАМДИР



келадиган муаммоларни ҳал қилиш йўллари айтилди.

Аҳоли билан биринчи ярим йилликдаги учрашувларда кўтарилган масалалар ижроси таҳлил қилинди. Вилоят ҳокими шаҳарни ривожлантиришда кўкаламзорлаштириш масаласига устувор аҳамият қаратиш зарурлигини таъкидлади.

Утган йили шаҳарда бунёдкорлик ишларининг ҳажми 218 млрд. тенгени ташкил этди. Режа 13 млрд. тенгеге ортиғи билан бажарилди ва шу билан

бирга, фойдаланишга топширилган янги уйлар сони ортди. Яъни, 417000 кв.м уй-жой фойдаланишга топширилиб, режа 23 минг кв.м.га ортиғи билан бажарилди.

Бугунги кунда 16 мингдан зиёд уйга муҳтож фуқаро рўйхатга олинган. Уларни бошлана билан таъминлаш мақсадида 2024 йилда 1314та бошлана харид қилиш учун бюджетдан 30,2 млрд. тенге ажратиш режаланган.



АВЛОД ТАРБИЯСИ МУҲОКАМАДА

Кентов шаҳар Фахрийлар уюшмаси "Оталар мактаби" ҳамда "Бувилар кенгаши"нинг ташкилотчилигида "Авлод тарбиясидаги бурлиш" мавзуда семинар ўтди.

Тадбирда шаҳар ҳокимининг ўринбосари Ақнур Байбўлова, вилоят фахрийлар кенгаши раиси ўринбосари Бақитжан Раманқулов, шаҳар фахрийлар уюшмаси раиси вазифасини бажарувчи Маъмуржон Йўлдошев, "Бувилар кенгаши" раисаси Рўза Жумабекова, мактаблар раҳбарлари, таълим муассасаларидаги "Ота-

лар мактаби" раислари, руҳшунос-социологлар ҳамда ота-оналар иштирок этишди.

Йигилишда ёш авлод тарбиясининг жамиятимиздаги аҳамияти, ёшларнинг камолоти, боланинг оиладаги таълим-тарбияси ҳақида фикр билдирилди.

Тадбирда сўзга чиққанлар оиланинг асосий вазифаларидан бири – ёшларни ватанпарварлик руҳида тарбиялаш, ҳар томонлама етук, комил ва заковатли инсонлар сифатида вояга етказиш эканлигини таъкидладилар.

ДРОН ИШЛАБ ЧИҚАРИШ КОРХОНАСИ ОЧИЛАДИ



Хитойнинг "Hunan Youhang UAV Technology" компанияси Туркистон вилоятида дрон ишлаб чиқариш корхонасини очишни режаломоқда. Вилоят ҳокимининг ўринбосари Нуралхан Кўшеров хитойлик тадбиркорлар билан учрашиб, ушбу ташаббус атрафли муҳокама қилинди. Шунингдек, ҳоким муовини уларни вилоятимизнинг сармоявий салоҳияти билан таништириб, мамлакат томонидан қўллаб-қувватлаш шартларини баён қилди.

Сармоядорлар корхонани ишга тушириш жарёни уч босқичдан иборат эканлигини ва дастлабки босқичида 150 миллион доллар, иккинчи босқичида 400 миллион доллар сармоя киритишни таъкидладилар.

Учрашув якунида "Turkistan Invest" МЧБ бошқарма раиси Берик Кенжебаев ва хитойлик "Hunan Youhang UAV Technology" компаниясининг вакили меморандумга имзо чекишди.

»» Республика акцияси



МУРУВВАТ – КЎНГИЛГА МАЛҲАМ

Жетисай туманида "Мактабга йўл" республика акцияси уюштирилди. Мазкур тадбирда тадбиркорлар кам таъминланган ҳамда серфарзанд оилаларнинг болаларига ўқув қуролларини арзонлаштирилган нархларда тавсия этди.

Жетисай шаҳридаги Қ. Жандарбеков номидаги драма театри ҳовлисида ўтган тадбирда туман таълим бўлими касаба уюшмаси ҳамда саховатли кишиларнинг ҳомийлигида 120 болага мактаб либоси ва ўқув қуроллари тўхфа қилинди.

"АМАНАТ" партиясидан туман маслаҳатига сайланган депутатлар "Болаларни мактабга тайёрлаш" акцияси доирасида 90 нафар болаларга ҳомийлик қилса, яна 150га яқин болани мактабга тайёрлашни режалаштирган.

"МАКТАБГА ЙЎЛ" ТАДБИРИ



Сариоғоч тумани, Дарбаза қишлоғидаги 63-умумтаълим мактаби ҳамда Куркелес қишлоғидаги 67-сонли А. Тажибаев номидаги мактабда "Мактабга йўл" тадбири доирасида ярмарка ўтди.

Унда маҳаллий тадбиркорлар ўқув қуроллари ва мактаб либосларини имтиёзли баҳода тавсия қилишди. Хайрия тадбири кам таъминланган ҳамда кўп болали оилалар, етим болалар ҳамда ота-она ғамхўрлигисиз қолган ўқувчиларга ёрдам кўрсатиш мақсадида уюштирилди.

Вилоят минтақавий алоқалар хизмати.

